



Basadi ba Baptist

DITHULAGANYO TSA
KOPANO YA BASADI BA BAPTIST

TLHOGO YA KGWEDI-THARO:
GO-TSHELA JAAKA KE RUTIWA KE BAEBELE YA ME

Bakwadi: Mrs. M. Bonnell; Mrs. S. Rader;
Mrs. E. Ngoma; Mrs. A. Zulu;
Zambia

Baptist Mission of Botswana
P.O. Box 59
Francistown, Botswana

DITHULAGANYO TSA
KOPANO YA BASADI BA BAPTIST

/Ketapele

Thulaganyo	Tlhogo
1	Go-Rata Mokaulengwe Wa Me
2	Go-Etela Balwetsi le Ba Ba Hutsafetseng
3	Go-Tshegetsa Botshelo Jwa Me Bo-Phepa
4	Go-Tlotla Letsatsi La Morena
5	Go-Tshegetsa Ntlo ya Modimo
6	Go-Iaknyega Mo Kerekeng
7	Go-Dirisa Nako Ya Me Ka Botlhale
8	Go-Dirisa Madi a Me Ka Botlhale
9	Bogogi Jwa Kereke
10	Go-Bolela Mafoko a a Molemo a Poloko
11	Go-Ithuta Baebele ya Me
12	Portugal (Potokisi), Tshimo e e fa Lewatleng
13	Italy

KETAPELE

Dikwedi tse tharo tse, re tla ithuta kaga, GO TSHELA JAAKA KE RUTIWA KE BAEBELE YA ME. Ka gore re basadi ba Bakeresete, sengwe le sengwe se re se dirang ke tshupo mo go ba bangwe. Re ka nna basupi ba ba siameng gonwe re ka nna basupi ba ba maswe. Fa re latela dithuto tsa Baebele re basupi ba ba siameng. Mme fa re sa reetse Lefoko la Modimo le fa re sa latele dithuto One re basupi ba ba maswe. Ba bangwe ba lebeletse matshelo a rona go bona fa re dira dithuto tsa Baebele.

Jaaka re ithuta dithuto tse, re tla ithuta ka se Baebele e se buang kaga go tshelela Jesu. Re tla ithuta ditsela dingwe tsa gore re ka direla Modimo mo ditikologong tsa rona, mo dikerekeng tsa rona le mo lefatshing lotlhe.

Mogogi wa Thulaganyo o tshwanetse go baakanyetsa thuto nngwe le nngwe sentle. O tshwanetse go ithuta gotlhe ga thulaganyo beke le beke. O tshwanetse go bala ditemana tsotlhe tsa Baebele mo thulaganyong nngwe le nngwe gore a tle a thuse go tlholosa se di se rayang.

Mosadi mongwe le mongwe o tshwanetse go ithuta temana ya tlhogo pele ga a tla phuthegong beke le beke. Mosadi mongwe le mongwe o tshwanetse go bala thulaganyo yotlhe ya beke. Fa a na le karolo (go e dira), a e ithute sentle Mosadi mongwe le mongwe o tshwanetse go rapela gore Modimo O bue le ene ka dithulaganyo.

THULAGANYO 1

Tlhogo ya Kgweri-Tharo: GO TSHELA JAAKA KE RUITWA KE BAEBELE YA ME

Tlhogo ya Gompieno: GO RATA MOKAULENGWE WA ME

Temana ya Tlhogo: "Fa re ratana, Modimo O nna mo go rona, mme
lorato lwa One lo phepa mo go rona."

(1 Jonane 4:12)

MOGOGI WA THULAGANYO:

Fa re ithuta Di-Baebele tsa rona re ithuta jaaka Mokeresete a tshwanetse go tshela. Bontsi jwa rona ga re kitla re tsamayela kwa mafatshing a a kgakala go ya go bolela kaga Keresete, mme re ka tshelela Keresete gone fa re teng. Gompieno re tla simolola go ithuta ditsela dingwe tse di thuso tse re ka di supang mme re direla Modimo mo lefelong le re nnang mo go lone. Re tshwanetse go simolola ka go supela ba malwapa a rona le masika a rona. Jalo ba bangwe ba tla re reetsa ka gore ba bone bosupi jwa rona mo magaeng a rona.

KAROLO YA NTLHA: MELAO YA GA JESU

Jesu O laotse mo go Ditiro 1:8 gore re mo supele "mo Jerusalema le mo Judea yotlhe le mo Samaria le go ya kwa bokhutlong jwa lefa-tshe." Batho ba ba utlwileng mafoko a ba ntse mo Jerusalema. Jalo Jesu O dirisitse leina la motse wa bone. O re batla go supa fa re teng. Re tshwanetse go nna basupi ba ga Jesu pele fa re nnang teng. Re ka supela Keresete jang fa re nnang teng? Re ka rata bakaulengwe ba rona mme ra bona ditsela tse dintsi go ba thusa. Jesu O re ruta mo Baebeleng gore mokaulengwe wa rona ke mongwe le mongwe yo o tlhokang thuso.

KAROLO YA BOBEDI: MOKAULENGWE WA RONA KE MANG?

Jesu O re ruta mo Baebeleng gore re rate bakaulengwe ba rona. A re rateng bakaulengwe ba rona jaaka re ithata. Nako nngwe go thata go dira se.

Letsatsi lengwe monna o boditse Jesu potso, gore, "Mokaulengwe wa me ke mang?" Jesu O arabile potso ka polelo e e itsegang sentle ya Mosamaria yo o molemo. A re boelelele polelo e Jesu O e bolet-seng. (Balang Luke 10:30-37 kwa gaeng mme o e bolelelele basadi

jaanong ka mafoko a gago.)

KAROLO YA BORARO: GO BATLA BAKAULENGWE BA RONA

Fa Jesu a feditse polelo, a botsa monna dipotso dingwe. "Mokaulengwe e ne e le ofe mo banneng mo polelong?" Monna o arabile ka gore, "Mosamaria yo o molemo." Jesu O rile, "Tsamaya o ye go thusa ba ba go tlhokang jaaka Mosamaria yo o molemo yo a dirile."

Jesu O re supeditse gore mokaulengwe ga se fela yo o tlhokang thuso mme mongwe yo o nayang thuso. Gompieno re tshwanetse go thusa ba ba tlhokang ba ba agileng le rona. Fa rona jaaka Bakeresete re direla ba bangwe molemo ka gore re rata Modimo, re dira tiro ya Modimo.

Fa re palelwa ke go thusa ba bangwe ba ba tlhokang, ga re dire sotlhe se Jesu O se re laolelang. Baebele ya re mo go 1 Johane 3:18, "Bana a re seka ra rata ka lefoko gongwe ka puo mme ka tiro le boamaruri."

KAROLO YA BONE: GO RATA BAKAULENGWE BA RONA

Balang Luke 10:27. Re ka supetsa bakaulengwe ba rona jang gore re a ba rata? Ba itse gore re a ba rata fa re ba thusa. Batho bale bantsi ba tshwerwe ke tlala. Re ka tlhakanela dijo le bone. Bo-mme ba le bantsi ba a lwala mme ba palelwa ke go tlhokomela bana ba bone. Re ka thusa go tlhokomela bana ba bone go fitlhela ba fodile ba nonofile gape. Fa mokaulengwe a swa, re ka ya kwa go ba lolwapa go ba thusa.

Batho ba le bantsi ba tshwenyegile ka ntlha ya dilo tse di maswe tse ba di dirang. Re ka ba bolelela kaga Keresete le kgomotso e Jesu e ntshetsang ba ba dumelang mo go Ene. Re ka ba bolelela kaga kereke ya rona mme ra ba laletsa go tla go obama le rona. Re ka neela Moruti, maina a bone mme ra mo kopa go ba etela. Sengwe le sengwe se re se direlang ba bangwe se diriwe ka gore re a ba rata mme re ba batla go ithuta go rata Modimo.

MOGOGI WA THULAGANYO:

Baebele e ruta gore re nne bakaulengwe ba ba siameng mo tikologong ya rona. Tikilogo ya rona ke fa re nnang teng. Mokaulengwe wa rona ke mongwe le mongwe yo o batlang thuso ya rona. A rotlhe re lebeng go dikologa fa re nnang teng ditsela tsa go thusa ba ba tlhokang thuso ya rona mo mmeleng le mo moweng.

Buisanang mmogo dipotso tse:

Mokaulengwe wa rona ke mang?

Re ka bona mokaulengwe wa rona jang?

Re ka dira eng go thusa bakaulengwe ba rona?

Jesu O buile jang gore re rate bakaulengwe ba rona?

Mo polelong eo Jesu O e boletseng, mokaulengwe yo o siameng ke mang? Kopa basadi bangwe go dira se ba se tlhalogantseng e le ditsela tsa go rata bakaulengwe ba rona.

NAKO YA THAPELO.

THULAGANYO 2

Tlhogo ya Kgwedi-Tharo: GO TSHELA JAAKA KE RUTIWA KE BAEBELE YA ME

Tlhogo ya Gompiego: GO ETELA BALWETSI LE BA BA HUTSAFETSENG

Temana ya Tlhogo: "Mme Jesu A tsamaya le metse le metsana ya bone,
A ruta mo matlung a bone a thuto mme A rera
lefoko la bogosi, le go fodisa bolwetsi le
bogole bongwe le bongwe." (Mathaio 9:35).

MOGOGI WA THULAGANYO:

Temana ya rona ya tlhogo e re bolelela gore Jesu O ne A tsa-
maya metse le metsana yotlhe A ruta le go rera le go fodisa
balwetsi. Gantsi O ne A bileliwa kwa go nang le kutlo-botlhoko
le bofutsana. O fodisitse difofu, le digole, ba ba ne ba na le
malwetsi le ba ba ne ba lwala ditlhaloganyo. O ba fodisitse
ka gore O ne A ba rata.

Gompiego Jesu O fodisa balwetsi. O fodisa gape le batho ba
ba lwalang mowa. Re tlhaloganya se fa re ikotlhaya mme re amogela
Keresete, mme re itshwarelwa dibe tsa rona. Fa re nna Bakeresete
Modimo O re batla go thusa ba bangwe go itse gore O ka fodisa
botlhe ba ba tlang kwa go One. Re direla Modimo ka go etela
le go thusa ba ba latlhegileng le ba ba lwalang le ba ba mo
kutlo-botlhokong.

KAROLO YA NTLHA: GO-IPAANYETSA GO ETA

Jesu O rile, "Ke ne ke sa apara mme wa nkapesa, ke ne ke lwala
mme wa pketela, ke ne ke le mo kgolegelong mme wa tla kwa go
nna." (Mathaio 25:36).

Re ka ipaanyetsa go eta mo go tlhophegileng ka go gakolo-
gelwa ntlha ya go eta.(se go eta go se rayang.) Re batla go
tlhakanela Jesu le ba ba mo tlhokang. Re tshwanetse go baakanya
dipelo tsa rona gore , re ete ka leina la Morena. Re rapeleng
mme re kope Modimo go re fa mafoko a a siameng go a bua. Re tla

batla go tsaya Di-Baebele tsa rona mme re nne le ditemana dingwe di tshwailwe go di bala. Re ka tseela yo o tlhokang dijo, diaparo, dikobo, tee le molora.

Gongwe moeteledi-pele wa loeto o tla nna le basadi botlhe go kopana kwa kerekeng letsatsi le le lengwe beke e beke go baakanye-tsa dipelo tsa bone go eta. Basadi ba ka bala Baebele, mme ba rapela mmogo pele ga ba ya go eta. Jalo basadi ba ka tsamaya ka bobedi le bobedi gore batho ba le bantsi ba ka etelwa mo letsatsing le le lengwe (le le tshwanang).

KAROLO YA BOBEDI: GO-ETELA BALWETSI

Fa re etela motho yo o lwalang gakologelwang gore lo batla go mo dira botoka. Re seka re bolelela motho yo o lwalang matshwenyego a rona. Re bue ka bonolo kaga dilo tse di tla itumedisang molwetsi. Re bale ditemana dingwe tse di gomotsang mo Baebeleng mme re rapeleleng molwetsi. Re ka bona gore a go na le tiro e e tshwanetseng go dirwa mo gae mme ra fa thuso. Gongwe ntlo e tlhoka go feelwa, gongwe diaparo go tlhatswiwa. Gongwe bana ba tlhoka go tlhokomelwa, gongwe dijo di batla go apewa. Jesu O rile, "Ke ne ke lwala mme wa nketela...jaaka o dirile se mo go mongwe yo monnye wa bakaulengwe ba me o se dirile mo go nna." (Mathaio 25: 36 le 40).

KAROLO YA BORARO: GO-ETELA BA BA MO KUTLO-BOTLHOKONG

Re bala mo Baebeleng gore Jesu O ne A bileliwa kwa magaeng a batho ba ba suleng. Jesu O lerile kgomotso mo go ba ba ne ba lela. Le rona re ka lere kgomotso kwa malwapeng le ditsaleng tsa ba ba re agileng le bone ba ba suleng (tlhokafetseng). Re ka etela mo legaeng mme ra thusa tiro e e tlhokang go dirwa. Re ka apeela baeti ba ba tsileng go hutsafala (kwa losung). Re ka tlhokomela bana. Re ka thusa go ba kanya kesi (bokose) go fitlha setopo. Re ka supetsa ba lolwapa lo lo hutsafetseng lorato le kamego ya rona ka ditiro tse di molemo tse re di dirang. Re ka bala ditemana

dingwe tsa kgomotso mo Baebeleng mme rarapela ka tidimalo le ba lolwapa. Re ka nna bosigo jotlhe go lere kgomotso.

(Bolelang kaga nako e Phuthego ya Basadi e thusitseng lolwapa longwe lwa mongwe yo o ne a sule. Bolelang gore go ne ga raya eng mo lolwapeng ka basadi ba Bakeresete go tla go tlhakanela kutlo-botlhoko.)

KAROLO YA BONE: GO ETELA BA BA MO KGOLEGELONG

Bala Mathaio 25:39-40. Batho ba ba mo kgolegelong ba tlhoka thuso ya rona. Re ka etela malwapa a bao ba mo kgolegelong. Re ka tsamaya le mosadi go etela monna wa gagwe kwa kgolegelong. Gantsi fa monna a tsenngwa mo kgolegelong ga gona ope go tlhokomela mosadi le bana. Lefa mongwe a ba tlhokomela, Mokeresete le ene o ka thusa. Re ka thusa ka go ba isetsa dijo go ja le diaparo go apara. Re ka isa magala gongwe dikgong tsa molelo.

Re ka ba thusa go sa tlhajwe ke ditlhong mme ra ba laletsa go tla kerekeng. Gongwe re ka tsamaya le bone go ya kerekeng gore ba tle ba itse gore re amega tota. Re ka fa yo o mo kgolegelong Baebele le lokwalo lwa Sekeresete mme ra mo tlhomami-setsa gore re a mo rapelela. Re ka mo thusa go itse gore Modimo O itshwarela dibe. Jesu O rile, "Fa lo se diretse mongwe yo monnye wa bakaulengwe ba me lo se diretse nna."

MOGOGI WA THULAGANYO:

Re ka direla Modimo fa re teng ka go latela dikai tsa ga Keresete. Jes O etetse mefuta ya batho yotlhe mme O ba thusitse ka ditsela di le dintsi. Re ka supetsa balwetsi le ba ba hutsafetseng le batlhoki, lorato le kamego ya rona ka go-eta. Ba ka se tlele thuso mo kerekeng, mme ka gore re Ba-Keresete re tla ya kwa go bone.

Botsa dipotso go bona gore basadi ba tlhaloganya thuto. Kopa mongwe go ipaakanyetsa go supa gore o etela molwetsi jang?

DITEMANA DINGWE GO DI DIRISA MO GO-ETENG:

Pesalema 23	Luke 11:5-13	Baroma 8:28
Mathaio 6:25-34	Bafilipi 4:4-7	Mathaio 17:20
Johane 3:16-18	Bafilipi 4:19	Baroma 8:31-39
Johane 14:1-4	Johane 10:27-30	Pesalema 121

THULAGANYO 3

Tlhogo ya Kgweri-Tharo: GO TSHELA JAAKA KE RUTIWA KE BAEBELE YA ME

Tlhogo ya Gompieno: GO-TSHEGETSA BOTSHELO JWA ME BO-PHEPA
(BO-ITSHEKILE)

Temana ya Tlhogo: "...itseng gore mebele ya lona ke tempele ya
Mowa O O Boitshepho...Jalo galaletsang Modimo
mo mebeleng ya lona." (I Bakorinta 6:19-20)

MOGOGI WA THULAGANYO:

Jaaka basadi ba Bakeresete re tshwanetse go tshela matshelo a boitsheko. Batho ba ba iseng ba nne Bakeresete ba re lebeleletse malatsi otlhe go bona fa re tshela jaaka re rutiwa mo Baebeleng. Fa re re, re Bakeresete mme jalo re dira dilo tse di bosula, ga re basupi ba Mmoloki ba ba siameng. Gompieno re tla ithuta ditsela dingwe tse re ka di latelang go tshegetsa matshelo a rona a itshekile gore ba bangwe ba tle ba bone Jesu mo go rona.

KAROLO YA NTLHA: GO SE GOGI MOTSOKO

Re bala mo dipampiring tsa dikgang le go utlwa mo seromamoweng gore dingaka tsa re motosoko o diphatso mo mmeleng. Mo mafelong a le mantsi ke molao jaanong gore tlhagiso ya kotsi e tshwanetse go kwalwa mo dikgetsing tsotlhe tsa motsoko tse di rekisiwang mo mabentleleng. Batho ba le bantsi ba santse ba tswelela go goga lefa ba itse gore go ka dira loso lwa bone.

Go-Goga go dirisa madi ka tsela e e sa tlotleng Modimo. Go tshwana le go mena (phutha) madi le go a tshuba le go a goga kana go a latlha kwa-ntle ga go akanya. Mokeresete a seka a tswelela go goga.

Go-goga go kwafatsa mebele ya rona e Baebele e reng jaanong ke (mebele) tempele ya Mowa O O Boitshepho. (Balang 1 Bakorinta 3:16,17). Fa re gana go goga ka gore re Bakeresete, re tlabo

re le basupi ba ba botoka ba ga Keresete mo malwapeng a rona le mo bakaulengweng.

KAROLO YA BOBEDI: GO SE NWE BOJALWA

(Bala Baefesia 5:18). Mokeresete a seka a ba a nwa bojalwa. Fa re re, re Bakeresete mme lefa go ntse jalo re nwa bojalwa, ditsala tsa rona le bakaulengwe ga ba kitla ba dumela se re se buang. Re beye dikai tse di siameng fa pele ga banna ba rona le bana ba rona ka go gana go nwa bojalwa lefa e le go nna le jone mo magaeng a rona. Fa re gana go nwa bojalwa re supetsa ba bangwe gore re tlotla Modimo mo mebeleng ya rona.

Re ne re se kake ra gopola go abela Jesu bojalwa fa A ne A le moeng wa rona. Jalo re seka ra rekela moeti ope bojalwa mo legaeng la rona. Mebele ya rona ke ditempele tsa Modimo mme re seka ra e senya ka seno se se bosula.

Go-nwa bojalwa ga go senye mmele go le gosi mme go tlhokisa boitumelo mo gaeng. Bo omantsha banna le basadi. Bo dira malwetsi a a amang boboko. Bo dira motho go latlha boitshwaro. Bo itsa ba lolwapa go nna le madi a a lekaneng a dijo tse di siameng. Dinako tse dintsi rre kana mme o tla senya madi a bone otlhe mo bojalweng mo ditsaleng tsa bone, mme go sa sale sepe go rekela bana mashi. Jakka basadi ba Bakeresete re seka ra ba ra nwa bojalwa.

KAROLO YA BORARO: GO-SA GOKAFALE LEFA E LE GO TLHALA

(Bala Ekesodo 20:14 le Mathaio 5:31-32). Sengwe sa dilo tse di hutsafatsang thata thata se se ka diregang mo lolwapeng ke monna kana mosadi go akafala (gokafala). Basadi ba Bakeresete ba seka ba tsamaya le banna ba bangwe fa banna ba bone ba seyo. Baebele e ruta gore se se phoso. Re seka ra dirisa mebele ya rona ka bofafalele. Fa re dirisa mebele ya rona ka tsela e ya sebe, ga re tloptle Modimo. Mebele ya rona ga se ya rona; ke ya Modimo.

Re tshwanetse go dumela thuto e e tlhokegang e ya ga Jesu mme re rute bana ba rona go e dumela. Fa monna gongwe mosadi a dira kgokafalo, gantsi ba a tlhalana. Se se dira bofutsana le

bokete mo baneng mo gaeng. Basadi ba Bakeresete ba rate banna le bana ba bone. Ga re kake ra nna mosupi wa Mokeresete yo o siameng fa kgokafalo gonwe tlhalo e diragala mo legaeng la rona. Re nneng mmogo le banna ba rona gore ba seka ba eletsa kgokafalo gonwe tlhalo.

KAROLO YA BONE. GO SE SEBE LE BO BUA BOSULA

Baebele e na le go le gontsi go go bua kaga kotsi e re e direlang ba bangwe fa re seba. Fa re seba, go tshwana le go baya lotlhokwa lwa molelo mo bojanyeng (tlhageng). Molelonyana oo o senya naga yotlhe. Tshebonyana e ka senya leina la motho le seemo (sa tlotlego). (Bala Diane 20:19 le Jakoba 3:5).

Re tshwanetse go ikanyega mo go ba bangwe mo go tsotlhe tse re di buang le go di dira. Re tshwanetse go itumedisa Modimo. Se bue dilo kaga ditsala tsa gago tse o sa batleng di buiwa kaga gago. Fa re bua dilo tse di seng molemo kaga batho ba bangwe re dira sebe. Fa re re, re Bakeresete mme re bua dilo tsa maaka le tse di bosula kaga ditsala tsa rona le bakaulengwe, ga re nne basupi ba ba siameng ba ga Jesu Keresete.

Mongwe wa Melo E E Some wa re, "O seka wa direla mongwe ka wena ka maaka." Fa re gakologelwa gore mebele ya rona ke ditempele tsa Mowa O O Boitshepho, ga re kitla re batla go dirisa puo e e leswe. Jesu O ne A se kake A bua bosula ka ba bangwe. Re tlhodilwe mo tshwanong ya Modimo mme fa re gakologelwa se re tla leka go tshela jaaka Keresete.

MOGOGI WA THULAGANYO:

Batho ba ba sa dumeleng mo go Jesu Keresete jaanong ga ba kitla ba dumela mo go Ene go fitlhela re supa gore O fetola matshelo a rona. Letsatsi le letsatsi re tshwanetse go tshela botshelo jwa Se-Keresete fa pele ga batho. Sengwe le sengwe se re se buang kana re se dirang ke sesupo mo tumelong ya rona mo Modimong. Fa matshelo a rona a le phepa a itshekile, ba bangwe ba tla g bona. Jalo fa re bua le baleofi kaga go amogela Keresete jaaka Mmoloki wa bone ba tla itse gore ka boamaruri re a Mo latela.

THULAGANYO 4

Tlhogo ya Kgwedi Tharo: GO TSHELA JAACA KE RUTIWA KE BAEBELE YA ME

Tlhogo ya Gompieno: GO-TLOTLA LETSATSI LA MORENA

Temana ya Tlhogo. "Gakologelwa letsatsi la Sabata go le itshepiwa."
(Ekesodo 20:8)

MOGOGI WA THULAGANYO:

Mokeresete o tshwanetse go dira eng ka Tshipi (Sontaga)?
A go na le dilo dingwe tse re sa tshwanelang go di dira? Mo thutong e re tla ithuta ka se Baebele e se buang kaga Letsatsi La Morena. Batho ba eseng Bakeresete ba lebeletse go bona gore re dira eng ka Tshipi. Fa re tlotla Modimo ka Letsatsi La Tshipi, Batho ba eseng Bakeresete ba tla gopola gore Tshipi ke letsatsi le le tlhokegang mo go rona. Re ka nna basupi ba ba siameng mo tikologong ya rona ka go tshegetsisa Tshipi letsatsi le le itshephileng.

KAROLO YA NTLHA: TSHIPI KE LETSATSI LA BOITAPOLOSO (BOIKHUTSO)

Go umakwa (go buiwa) ga ntlha ga Sabata mo Baebeleng e ne e le mo popong fa "Modimo O segofatsa letsatsi la bosupa...ka gore mo go lone Modimo O ne Wa ikhutsa (itapolosa) mo tirong ya One yotlhe e O e dirileng mo popong." (Genesise 2:3).

Modimo ka sekai sa One, O itshephisitse letsatsi mme wa le supa go nna la boitapoloso. Modimo O re bopile mme O itse gore mebele ya rona e a lapa. Jalo O re file letsatsi la boitapoloso mo mofuteng wa tiro e re e dirang beke yotlhe. Rona Bakeresete re itapolosa ka Tshipi, le eleng letsatsi la ntlha (pele) la beke, ka gore Keresete O tsogile ka lone letsatsi leo. Letsatsi le le santse le latela malatsi a marataro a tiro. Bakeresete ba pele ba re file sekai sa go itapolosa le go obama ka Tshipi. Bala 1 Bakorinta 16:2. Bakeresete ba ba tlotlang Modimo ga ba kitla ba bula mabentlele a bone ka Tshipi. Re seka ra baakanya go bereka ka Tshipi.

KAROLO YA BOBEDI: TSHIPI KE LETSATSI LA KOBAMELO

(Bala Bahebera 10:25). Taolo ke gore re itshephise letsatsi. Se se raya gore ke letsatsi la kobamelo. Re tlhoka boitsp-
loso jwa mowa le dijo. Letsatsi La Morena le kopantsha letlhoko
leo. Re tlhoka go tla kerekeng go obama le Bakeresete ka-rona.

Baebele e ruta gore Jesu O ile gantsi kwa matlung a thuto go
obama. Re ka obama re le rosi kwa gae, mme moo ga go a lekana.
Re tlhoka go utlwa kgomotso le nonofo ya go rapela le ba bangwe.
Re tlhoka go utlwa Lefoko la Modimo le rerwa. Re tlhoka go thusa
Bakeresete ba bangwe mo tirong ya kereke. "Ke itumetse fa ba
nthaya ba re, 'A re yeng kwa tlung ya Morena' !" (Pesalema 122:1)

KAROLO YA BORARO: TSHIPI KE LETSATSI LA TIRELO (MODIMO)

Baebele e ruta gore Jesu O tsamaile a dira molemo ka Sabata.
O ratile mo tlung ya thuto, O fodisitse balwetsi mme O thusitse
ba bangwe. Re ka latela dikai tsa ga Jesu. Re ka ruta ba mal-
wapa a rona Baebele le ba bangwe. Re ka ruta mo Sekolong sa
Tshipi. Go na le batho ba le bantsi thata ba ba seng Bakeresete
ba re ka ba rutang mo mafelong a mantsi a a farologanyeng ka
Tshipi le Tshipi. Re ka etela mme ra thusa balwetsi. (Bala
Mareko 2:27-28). Re ka dirisa Letsatsi la Tshipi go thusa ba
bangwe. Le seka la nna letsatsi la go tshameka. Jaaka Bakeresete
re tla batla go tlotla Modimo ka go senya letsatsi mo kobame-
long le mo go-direleng ba bangwe.

KAROLO YA BONE: TSHIPI KE LETSATSI LA GO-FA (GO-ABA)

(Bala 1 Bakorinta 16:2). Ke leano la Modimo gore Bakeresete
ba lere tsa bone tsa bo-some le dikabelo kwa kerekeng ka
Letsatsi La Morena. Fa re lere tsa rona tsa bo-some kwa Modi-
mong ka Tshipi, ke tsela ya go re, re lebogela dilo tsotlhe tse
re di ikamogelelang mo bekeng. Sa-bosome ke bo-kae? Ke sepha-
tlo sa lesome sa madi a rona. Ke dithebe di le some mo puleng
nngwe le nngwe.

Gape re ka aba nako ya rona. Re ka dirisa nako ya rona go

ruta, re eta mme re rapela. Re ka lebogela Modimo nako e O e re fang mo bekeng.

MOGOGI WA THULAGANYO:

Tshipi ke letsatsi le le tlhokegang mo Bakereseteng. Re ka supetsa ditsala le bakaulengwe ba rona gore re rata Modimo go le kae ka go dirisa Tshipi jaaka Baebele e ruta. Modimo O re letlelela go tlhopha gore re re tla dira eng ka Tshipi. Re rute bana ba rona go tlotla Modimo ka go dirisa Tshipi ka botlhale.

Fa re tla kwa kerekeng, re lere bana ba rona. Fa re ba tlogela kwa gaeng, ba tla gopola gore Modimo O rata bagolo fela. Batho ba ba sa bolokwang ba ba re lebeleletseng ba bone gore Tshipi ke letsatsi le le tlhokegang mo go rona le mo go ba malwapa a rona la kobamelo.

Buisanyang mmogo ke dipotso tse:

Ke mang yo o rileng re itshephise Sabata?

Mokeresete o tshwanetse go dira eng ka Tshipi?

A go a tlhokega gore re obame le ba bangwe mo kereneng ka Tshipi?

Ka go re'eng?

NAKO YA THAPELO.

THULAGANYO 5

Tlhogo ya Kgwedi-Tharo: GO-TSHELA JAAKA KE RUTIWA KE BAEBELE YA ME

Tlhogo ya Gompieno; GO-TSHEGETSA NTLO YA MODIMO

Temana ya Tlhogo: "Ka ntlha ya ntlo ya Morena Modimo wa rona, ke tla go batlela se se molemo". (Pesalema 122:9)

MOGOGI WA THULAGANYO:

Kago ya kereke e tshwanetse go nna yone kago e e tlhokegang thata mo tikologong. (ya rona). E tshwanetse go nna segakolodi mo bathong botlhe ba ba sa bolokwang ba ba fetang foo gore ba ka bona poloko ka molaetsa o o rerwang teng. Re ka supa lorato lwa rona mo Modimong ka go tshegetsa kago ya kereke ya rona e le phepa mme e kgatlha. Re ka supela ba tikologo ka tsela e re tlhokomelang kago ya kereke ya rona. Gompieno re tla bua kaga dilo dingwe tse re ka di dirang go thusa kago ya kereke ya rona go nna tshupo mo go ba tikologo.

KAROLO YA NTLHA: JAAKA BATHO BA BANGWE BA BONA KAGO YA RONA YA KEREKE

Fa batho ba feta fa kagong ya kereke ya rona ba bona eng? A ba bona difensetere tse di leswe le masimo a a leswe? A gongwe ba bona difensetere tse di phatsimang, le dithunya tse dintle di gola gaufi le kereke? Kago ya kereke e e phepa, ke sesupo se se didimetseng mo go botlhe ba ba fetang. Ba tla itse gore batho ba ba obamang mo teng ba rata Modimo thata. Kago ya kereke e tshwanetse go laletsa gore batho ba tle go utlwa molaetsa o o rerwang mo teng. Ntlo ya Modimo e tlhokega thata le eleng go feta ya rona jalo re dire kafa re ka kgonang go e ntlafatsa.

KAROLO YA BOBEDI: GO-TSHEGETSA KAGO YA KEREKE YA RONA E LE PHEPA

Fa Batho ba tsena mo kagong ya kereke ya rona, a ba bona dipota le difensetere tse di phepa? A bona madilo a feetswe

bophepa? Nako e e tlhokegang thata mo bekeng ke fa re tla go obamela Modimo. Re bone gore kafa teng ga kago ya kereke go phepa jo bo lekaneng go tlotla Modimo. Fa batho ba tsena mo kerekeng ya rona mme ba bona gore e leswe, ba tla re, "Modimo ga O tlhokege mo bathong ba. Ke gopola gore ke tla obama go sele."

Re ka thusa go dira kago ya kereke go lebega sentle ka go lere dithunya mo dikopanong (diphuthegong). Re ka lere dikhai (matsela) tsa ditafole mme ra bona gore di nna phepa. Fa lo na le digalase mo difensetering, di tlhatswiwe gantsi. Dikhai tsa difensetere (digaretene) le tsone di tlhatswiwe gantsi. Madilo le ditilo di tshwanetse go feelwa le go phimolwa beke le beke. Dikwalo le dipampiri tse di tlogetsweng mo ditilong di bewa. Ditilo di rulaganngwe ka bophepa.

Fa sengwe se robegile mo kerekeng, se baakanngwe ka bonako. Fa batho ba tsena mo kerekeng ya rona re batla ba itse gore Modimo O teng. Fa ba bona gore re bereka go ntlafatsa ntlo ya Modimo, ba tla itse gore re a O rata mme O nna mo go rona.

KAROLO YA BORARO: GO-THUSA MORUTI WA RONA

Modimo O biditse moruti wa rona go goga batho ba One. Modimo O gogile kereke ya rona go tlhopha moruti wa yone. Re supa gore re rata Modimo le go O ikanya fa re thusa moruti wa rona. Ditokololo tsa kereke di supa lorato lwa tsone mo moruting le ba-lolwapa lwa gagwe ka tsela e ba abang (fang) ka yone. Tsela e re abelang lolwapa lwa moruti ka yone le yone ke sesupo mo go ba tikologo.

Fa re itse gore ba-lolwapa lwa moruti wa rona ba mo letlhokong, ka bonako re tlhakanele le bone. Re abele moruti wa rona ka bojotlhe jo re ka bo dirang. Re ka supa lorato lwa rona le kgatlhego mo moruting wa rona le ba lolwapa lwa gagwe ka ditiro tsa rona tsa lorato. Gantsi ditiro tsa rona tse di molemo mo go bone di ba nonotsha go direla Modimo tiro e e faphegileng.

KAROLO YA BONE. RELEBAGANE (EMETSE) NTLO YA MODIMO

Ke mang yo o lebaganeng le go tshegetsatsa kago ya kereke e le phepa le go kgatlhisa? Tokololo nngwe le nngwe ya kereke. Mme go tshwanetse go nna le leano la go bereka teng (mo kerekeng). Fa tiro e sa akanngwa, jalo ga go na ope yo o tla tlang go dira tiro. Nako nngwe moruti o na le go phepafatsa kago ya kereke ka gore ditokololo ga di a go dira. Gongwe setlhophisa sa basadi se ka kopana letsatsi le lengwe mo bekeng go phepafatsa kago ya kereke. Kana gongwe beke e beke batho ba le babedi kana be le bararo ba ba farologanyeng ba ka tla go bereka. Selo se se tlhokegang ke gore mongwe le mongwe o na le karolo go ntlafatsa ntlo ya Modimo. Tokololo nngwe le nngwe ya kereke e tshwanetse go nna le karolo e e tlhomameng (ya nako yotlhe) ya go tlhokomela ntlo ya Modimo.

MOGOGI WA THULAGANYO:

Gompiano re ithutile jaaka kago ya kereke ya rona e tlhokega mo go ba tikologo ya rona. Fa e tshegeditswe sentle, jalo e tla nna sesupo se se siameng. Mme fa re sa e phepafatse nako yotlhe, batho ba tla itse gore ga re rate Modimo le go O tlotla jaaka re tshwanetse.

A re gakologelwang gore fa batho ba ba sa bolokwang ba kgatlhwa ke kago ya kereke ya rona mme ba tsena ditirelo tsa rona tsa kobamelo ba tshwanetse go fitlhela kamogelo e ntle mo tokololong nngwe le nngwe. Re tlhakanele dikopelo tsa rona le Dibaebele le bone ka nako ya tirelo. Re ba itsese mo ditokololong tsotlhe. Re ba tshware ka lorato le tlotlo gore ba tle ba batle go tla gape. Jesu O rile, "Ke ne ke le moeng mme lwa nkamogela...jaaka lo dirile se mo go mongwe yo monnye wa ba... lo se dirile mo go nna." (Mathaio 25:35 le 40).

Buisanyang mmogo ka dipotso tse:

Kago e e tlhokegang thata thata mo tikologong ke eng?
Ke mang yo o lebaganeng go phepafatsa kago ya kereke?
Re ka supa lorato le kamego ya rona jang mo moruting wa rona?
A re dira bojotlhe go phepafatsa le go ntlafatsa kago ya kereke ya rona?

NAKO YA THAPELO.

THULAGANYO 6

Tlhogo ya Kgwedi-Tharo: GO-TSHELA JAAKA KE RUTIWA KE BAEBELE YA ME

Tlhogo ya Gompieno: GO-IKANYEGA MO KEREKENG

Temana ya Tlhogo. "Ke itumetse fa ba nthaya ba re, 'A re yeng kwa
tlung ya Morena' ". (Pesalema 122:1)

MOGOGI WA THULAGANYO:

Re ntse re ithuta mo dithutong tsa rona tse di fetileng mo
dithutong tsa rona tse di fetileng kaga ditsela tse re ka nnang
basupi ba ga Keresete fa re teng. Ka gore re Bakeresete re tla
batla go latela dithuto tsa Baebale tse di amang ditiro tsa rona
mo Modimong. Baebale e ruta gore go obama mmogo le ba bangwe mo
tlung ya Modimo go a tlhokega. Gompieno re tla bua kaga ditsela
tse re ka supelang Keresete ka nna boikanyego mo kerekeng.

KAROLO YA NTLHA: GO-OBAMA MMOGO

Mo go Bahebera 10:25 re bala gore, "Lo sa tlhokomologe go
kopana mmogo." Re tlhoka go kopana mmogo. Fela jaaka mebele
ya rona e tlhoka dijo jalo re tlhoka dijo tsa mowa. Nako le nako
re ithuta Lefoko la Modimo re golela mo kitsong ya Mmoloki wa
rona. Re tlhoka molaetsa wa Lefoko la Modimo go re thusa go tshela
botshelo jwa Se-Keresete. Re lekeng go tsena tirelo ya kereke
nngwe le nngwe gore re tle re utlwe sengwe le sengwe se se rutwang.

Balela Basadi Pesalema 35:13.. Ka go opela, go rapela
le go bala Lefoko la Modimo re supa lorato lwa rona mo Modimong.

KAROLO YA BOBEDI: GO ITHUTA GO NNA BAGOGI BA BA SIAMENG

Jaaka re tsena kereke ka boikanyego re ithuta gape go nna
bagogi ba ba siameng mo kerekeng ya rona. Kereke e tlhoka babobi
ba Bakeresete ba ba ka rutang mme ba gapela batho ba ba latlhegi-
leng ba ba mo tikologong kwa go Keresete. Kereke e ruta batho go
ruta mo Sekolong sa Tshipi. E ruta batho go etela ba ba timetseng.
Batiakone ba rutiwa go direla kereke. Baopedi ba ithuta kopelo
e e tla galaletsang Modimo.

Ga re kake ra ithuta go nna bagogoi fa re tla dinako di se-kae fela ka ngwaga le ngwaga. Re tshwanetse go tla beke le beke mme re ithute go tlhakanela lefoko le batho botlhe mo tikologong ya rona ba ba seng badumedi.

KAROLO YA BORARO: GO-RAPELA MMOGO

Re tlhoko go kopana mmogo gantsi jaaka Bakeresete go rapelelana le go rapelela tiro ya kereke. Mo go Mathoai 18:20 re bala gore, "Gonne fa ba le babedi gongwe bararo ba phuthegile mo leineng la me, foo ke mo gare ga bone.". Fa re bala Baebele Modimo O bua le rona. Fa re rapela re bua le Modimo. Go na le nonofo mo thapelong.

Re na le tsholofetso e e tlhokegang e tswa Modimong mo go Johane 9:31, "...fa mongwe le mongwe e le moobamedi wa Modimo mme a dira go rata ga One, Modimo O A mo reetsa." Re tlhakanela matshwenyego le dikutlo-botlhoko tsa rona le Bakeresete ba bangwe mme jalo re rapele mmogo go re Modimo O tle O romele kgomotso le nonofo.

Mo kerekeng nngwe mosadi o tsile phuthegong ya thapelo mme o rile monna wa gagwe o mo iteile (mmeditse). O(monna) mmoleletse gore a boele kwa motseng ka gore o ne a le Mokeresete. Basadi ba solofeditse gore ba tla rapelela monna wa gagwe gore a seka a mo leleka. Beke e e latelang mosadi o ne a boetse kwa phuthegong a lebogela Modimo go utlwa dithapelo tsa batho. Monna o santse a se Mokeresete, mme ga a tlhole a mo itsa go tla kerekeng.

KAROLO YA BONE: GO-ABA KA BOIKANYEGO

Re tshwanetse go ikanyega mo bo abeleng kereke ya rona. Fa re tla kerekeng ka phuthego nngwe le nngwe mme re gana go fa Modimo madi a rona, jalo ga re O tlotle. Baebele ye re, "Go lesego go aba go feta go amogela" (Ditiro 20:35). Re amogela dilo mo Modimong letsatsi le letsatsi botshelo jwa rona, magae a rona, dijo tsa rona. Sengwe le sengwe se tswa mo Modimong. Re tshwanetse go O busetsa se se faphegileng se re nang le sone.

Re ka nna basupi ba Modimo mo dikerekeng tsa rona jaaka ka boikanyego re abela tiro ya One ga madi a rona.

MOGOGI WA THULAGANYO:

Jesu O rile, "...lo tla nna basupi ba me." (Ditiro 1:8).

Re basupi mo go malwapa a rona le mo kerekeng ya rona fa re tsena ditirelo tsa kereke ka boikanyego. Re tlhoka thuto le tsamaiso yotlhe e kereke e re e fang. Gape re ka thusa go ruta le go tsamaisa ba bangwe. Fa bana ba ne ba ya sekolong fela fa ba batlile go ya, ba ne ba se kake ba ithuta thata. Mme fa bo-tichere ba ne ba tla go ruta bana fela fa ba ratile, bana ba ne ba ka tsamaya ka bonako. Sekolo se kabo se sa tlhokege. Kereke e ntse jalo. Fa ditokololo di sa tle gantsi, ga di kitla di ithuta thata kaga Modimo. Fa bagogi ba sa rute sentle, ditokololo di tla phatlalala ka bonako. Kereke e tlhokega thata. Tokololo nngwe le nngwe e tshwanetse go ikanyega.

Akanyang mmogo go dira segakolodi mo kerekeng yotlhe go:

OBAMA	ITHUTA	RAPELA	ABA
-------	--------	--------	-----

Se e ka nna letsela le le kgabisitsweng, setshwantsho sa lobota gongwe sengwe se o akanyang se ka faphega (tlhokega).

NAKO YA THAPELO

THULAGANYO 7

Tlhogo ya Kgweri-Tharo: GO TSHELA JAAGA KE RUTWA KE BAEBELE YA ME

Tlhogo ya Gompieno: GO-DIRISA NAKO YA ME KA BOTLHALE

Temana ya Tlhogo: "Ke tla baka Morena nako tsotlhe; kgalaletso ya
Gagwe e tla nna mo molomong wa me ka metlha."
(Pesalema 34:1)

MOGOGI WA THULAGANYO:

Re ka nna basupedi ba ba siameng ba ga Keresete jang mo tseleng e re dirisang nako ya rona ka yone? Modimo O re fa dinako (dioura) di le masome a mabedi le bone letsatsi le letsatsi go O direla le go O tlotla. Fa re dirisa nako ya rona ka botlhale, re a O itumedisa. Fa re senya nako, jalo re a O tlotlolola. A re gopoleng gompieno ka ditiriso dingwe tsa botlhale tsa nako ya rona.

KAROLO YA NTLHA: GO-REETSA MODIMO

Go tsaya ngwana dingwaga di le dintsi go gola le go nna le botlhale jwa mogolo. Fela jalo, go tsaya nako go golela mo bogolong jwa Bakeresete. Re tshwanetse go baakanya letsatsi le letsatseng gore re dirise nako ya rona ka botlhale le mo tseleng e e tla tlotlang Modimo. Mo go Dipesalema re bala gore, "Didimalang mme lo itse gore ke Modimo." Modimo O re batla go tsaya nako go O reetsa. Re simololeng letsatsi lengwe le lengwe ka dinakonyana di se-kae tsa tidimalo mo thapelong le go bala Baebale. Se se tla re nonotsha mo tirong e re tshwanetseng go e dira mo letsatsing. Jesu ka Bo-Ene O tshotse nako go ya fa thoko le go rapela Rragwe kwa legodimong. Go ne go tlhokega mo go Jesu Yo O ne A le Mmoleki wa rona go dirisa nako ya Gagwe go rapela. Jalo, go tshwanetse go tlhokega thata mo go rona.

KAROLO YA BOBEDI: GO-SE TSHWAKGAFALA

Basadi ba Bakeresete ba seka ba ba ba tshwakgafala. Mo go Diane 31:27 re bala gore, "O tlhokomela ditsela tsa ntlo ya gagwe,

mme ga a je dijo tsa botshwakga." Fa re tshegetsa magae a rona bophepa mme re fa ba malwapa a rona dijo tse di siameng le diaparo tse di phepa, ga ra kitla re nna ditshwakga. Fa magae a rona a le mafelo a a phepa a itumetse, jalo banna ba rona le bana ba rona ba tla batla go senya nako e ntsi mo gae.

(Bala 1 Timotio 5:13). Temana e e re bolelela gore fa re le ditshwakga, re nna babalabadi le basebi mme re bua dilo tse re sa tshwanelang go di bua. Go-bereka thata go tla re thusa go ipha-paanya le thaelo ya go dira dilo tse. Re berekeng sentle gore magae a rona a nne bosupi mo ditsaleng le bakaulengweng ba rona.

KAROLO YA BORARO: GO-RUTA (TSAMAISA) BANA BA RONA

Basadi ba Bakeresete ba tshwanetse go tsaya nako go ruta bana ba bone. Mo go Diane 22:6 re bala gore, "Ruta ngwana tsela e o tshwanetseng go e tsamaya, mme fa a godile ga a kitla a e tlogela." Re rata bana ba rona thata thata. Re tshwanetse go ba ruta go rata Modimo le go tlotla le go sisimoga kereke. Re tshwanetse go ba ruta go tlotla le go sisimoga batsadi ba bone le magae a bone. Jaaka bo-mme ba Bakeresete re tshwanetse go ba ruta go nna phepa mo matshelong a bone le mo mekgweng ya bone.

Re tlabo re le basupi ba bana ba rona ka botshelo jo ba bonang re bo tshela. Basadi bangwe ga ba re sepe (ga ba tlhokomele) kaga bana ba bone. Ba ba romela go tshameka mo ditseleng. Bo-mme ba Bakeresete ba tshwanetse go nna le tlhokomelo e e siameng ka bana ba bone, ke (bana) mpho e e tswang Modimong.

KAROLO YA BONE: GO-THUSA BA BANGWE

Basadi ba Bakeresete ba tla batla nako go direla ba bangwe tshiamo. Go na le balwetsi go etelwa. Go na le batho ba ba sa bolokwang go batlwa (batliwa) mme ba gapelwa mo go Keresete. Mo go Jakobe 5:16 re bala gore, "Ipolelaneng dibe tsa lona, mme lo rapelelaneng." Bontsi jwa ditsala tsa rona le bakaulengwe bo tlhoka tsala go tla go bua le bone mme a ba tlhotlheletsa (kgwa-thatsa). Bontsi bo na le mathata mme bo tlhoka kgakololo ya

tsala ya Mokeresete. Fa re latela dithuto tsa Baebele mme re rata bakaulengwe ba rona jaaka re ithata, re bona nako go thusa ba ba tlhokang.

MOGOGI WA THULAGANYO:

Basadi ba Bakeresete ka mttlha ba a dira, ba direla Modimo. Re ka O direla mo magaeng a rona le kwa kerekeng. Re O direla ka go direla ba bangwe ka gore Jesu O rile, "Jaaka lo dirile se mo go mongwe wa ba...lo se dirile mo go nna." Fa re bona Jesu ka sefathlago le sefathlago, re tla batla go Mo utlwa a re, "O dirile sentle, motlhanka yo o molemo le boikanyo." Re ka utlwa mafoko a fela fa re senya motsotso mongwe le mongwe wa nako ya rona ka tsela e e tla tlotlang Modimo. Jesu O rile, "Lefoko lengwe le lengwe la botshwakga le motho o le buang jalo le tla newa molato ka letsatsi la katlholo." Re lebagane le Modimo ka lefoko lengwe le lengwe le re le buang le tiro nngwe le nngwe e re e dirang.

A re kopeng Modimo go re thusa go senya nako ya rona mo tseleng e e tla lereng kgalaletso mo go Jesu.

NAKO YA THAPELO.

THULAGANYO 8

Tlhogo ya Kgwdi-Tharo: GO-TSHELA JAAKA KE RUTIWA KE BAEBELE YA ME

Tlhogo ya Gompieno: GO-DIRISA MADI A ME KA BOTLHALE

Temana ya Tlhogo: "Nayang, mme lo tla newa, selekanyo se se molemo, se gateleletswe kwa tlase, se tsikinngwa, se tshologa, se tla bewa mo maruding a lona..." (Luke 6:38).

MOGOGI WA THULAGANYO:

Baebele e fa dithuto di le dintsi kaga tiriso e e botlhale ya madi a rona. Mekgwa e mebedi ya botshelo jwa Mokeresete ke lorato le botlhokomedi. Fa re rata Modimo ka dipelo tsa rona tsotlhe, ka boitumelo re tla o abela tsa bo-some le dikabelo tsa rona. A re ithuteng gompieno kaga go supela Keresete ka madi a rona.

KAROLO YA NTLHA: RE TSHWANETSE GO ABA KA GO RE'NG?

Baebele e ra laola gore re lere e ka nna fela sa bo-some kwa ntlong ya Modimo. "Lereng sa bo-some se se tletseng mo ntlong ya polokelo." (Malaki 3:10). Modimo o re file sengwe le sengwe se re nang le sone. O kopa gore re o busetse e ka nna fela sa bo-some.

Re tshwanetse go aba ka gore re rata Modimo. "Ka gonne Modimo o ratile lefatshe mo go kalo gore o ntshe Morwa One yo o Esi." (Johane 3:16). Modimo o re file Morwa One yo o Esi gore re nne le botshelo jo bo sa-khutleng. A lorato lo logolo! Fa re re, re rata Modimo thata mme lefa go ntse jalo re gana go o fa madi a rona, ga re bue boamaruri. Fa re rata Modimo thata, re tla aba bontsi jwa se re nang le sone. Fa dimpho tsa rona e le karolo e nnye fela ya se re nang le sone, re supa gore re o rata fela go le go nnye. Re supela Keresete ka tsela e re abang madi a rona ka yone.

KAROLO YA BOBEDI: RE TSHWANE GO ABA ENG?

Sengwe le sengwe ke sa Modimo, mme re letlelelwa go se dirisa. "Sa bo-some sotlhe sa lefatshe, lefa ele sa peo ya lefatshe gongwe sa loungo lwa ditlhare, ke sa Morena." (Lefitiko 27:30)

(Bala Mareko 12:41-44.). Motlholagadi wa mohumanegi o abile gotlhe mo o ne a na le gone, mme mpho ya gagwe e ne e itumedisa Modimo. Gongwe re akanya gore re humanegile go ntsha sa bosome. Fa re amogela madi a rona re tseye sa bosome sa rona re se beele fa thoko (tlhakoring) go fitlhela re tla kerekeng ka Tshipi (Sontaga). Jalo re ka tsaya madi otlhe a a setseng ra reka dijo le diaparo. Batho ba le bantsi ba reka dilo tse ba di batlang pele mme jalo ba abele Modimo madi a a setseng. Fa banna ba rona ba sa re fe madi gotlhe gotlhe, gongwe re ka rekisa merogo ya masimo a rona mme ra lere sa bosome kwa go Morena. Ga go na ope yo o humanegileng go aba sa bosome. Modimo ga O tlhoke madi a mantsi mo go mongwe le mongwe. Mme O batla sa bosome sa sengwe le sengwe se re nang le sone.

KAROLO YA BORARO: SE MODIMO O SE RE SOLOFETSANG

Fa re aba ka gore re rata Modimo re amogela lesego. Mo go Malaki 3:10, re na le tsholofetso ya Modimo go re fa lesego le le kalo kalo gore ga re kitla re nna le bonno jo bo lekanyeng go le amogela. Mo go Luke 6:38 re bala gore, "Nayang, mme lo tla newa." Fa re aba ka bojotlhe le ka boitumelo re nna Bake-resete ba ba nonofileng. Re amega thata kaga tiro ya kereke mme re tla e rapelela thata. Modimo ga O a solofetsa go sego-fatsa ba ba sa O rateng le go O tlotla. O solofetitse go sego-fatsa ba ba O direlang. Fa re abela Modimo re tla bona gore letlhoko la rona lotlhe le a abelwa. Modimo ka metlha O tshe-getsatsa tsholofetso ya One. Re ka baya mo go One go re fa se re se tlhokang fa re O obamela.

KAROLO YA BONE: JAAKA TSA BOSOME TSA RONA DI DIRA TIRO YA MODIMO

Re tshwanetse go aba madi a rona go thusa ba bangwe. Kereke e tshwanetse go ntshetsa moruti tuelo e e siameng. Ke motlhanka wa Modimo mme Modimo wa re, re mo (moruti) tlhokomele. Kereke e tshwanetse go thusa batlhoki mo tikologong. Ba ka ntshetsa jang batlhoki diaparo, dijo le melemo fa go sena madi mo letloleng la kereke? Fa kago ya kereke e tshwanetse go tshegediwa ka tsela e e tla tlotlang Modimo, re tshwanetse go aba madi a dilo tse di phepafatsang. Madi a rona a ka duela ba-efangele ba ba tlang go rerela balatlhegi. Re ka reka dikwalo le dithuto tsa Sekolo sa Tshipi ka madi a re a abang. Basadi ba Bakeresete ba tshwanetse go baya sesupo se se siameng ka go abela Modimo pele mme jalo re ikabela (itlhokomela).

MOGOGI WA THULAGANYO:

Modimo O re batla rotlhe. O batla nako ya rona, nonofo ya rona le madi a rona. Fa kereke ya rona e tshwanetse go nna sesupo mo tikologong ya rona, re tshwanetse go ikanyega ka tsela e re dirisang dilo tse tharo tse. Baebele e re ruta gore, "Ga lo ba lona, lo rekilwe ka tlhotlhwa". (1 Bakorinta 6:20). A re supetseng Modimo gore re O rata go le kae ka go abela tiro ya One se se faphegileng se re nang le sone.

NAKO YA THAPELO.

THULAGANYO 9

Tlhogo ya Kgwdi-Tharo: GO TSHELA JAAKA KE RUTIWA KE BAEBELE
YA ME

Tlhogo ya Gompieno: BOGOGI WA KEREKE

Temana ya Tlhogo: "Ke gone jaanong tsamaya, mme ke tla nna le
molomo wa gago mme ke tla go ruta se o tla
se buang." (Ekesodo 4:12).

MOGOGI WA THULAGANYO:

Gompieno re tla ithuta kaga tebagano ya rona le kereke.
Fa re le Bakeresete ba ba kolobeditsweng le ditokololo tsa
kereke e, ke tiro ya rona go dira bojotlhe jwa rona mo tirong ya
kereke. Ke tiro ya kereke go thusa batlhoki go bona poloko mo
go Jesu Keresete. Ke tiro ya kereke gape go ruta le go tsa-
maisa ditokololo tsa yone tsotlhe go direla Keresete. Go
na le sengwe se Mokeresete mongwe le mongwe o ka se dirang
mo kerekeng ya gagwe go direla Keresete.

KAROLO YA NTLHA: THUTO

O ka ruta mo Sekolong sa Tshipi. Gongwe o gopola gore ga
o kake wa ruta sentle. (Bala Ekesoko 4::10-12). Moshe o ne a
le mongwe wa batlhanka ba bagolo ba Modimo. Mme o rile ga a
kake a bua sentle. Mme Modimo O solofeditse go mo naya mafoko
a a siameng go a bua.

Lefa go ntse jalo, Modimo O re batla go dira karolo ya
rona. Moruti wa Sekolo sa Tshipi o tshwanetse go ipaakanya
sentle. Moruti wa Sekolo sa Tshipi o tshwanetse go ithuta
Baebele ya gagwe thata. O tshwanetse go rapela thata. Mme
ke gone gotlhe mo Bakeresete ba tshwanetseng go go dira. Fa
Modimo O go batla go nna moruti wa Sekolo sa Tshipi, O tla go
thusa go go dira.

KAROLO YA BOBEDI: KETELO

Kereke e tshwanetse go thusa ba tikologo botlhe, ba ba

bolokilweng le ba ba sa bolokwang. Bao ba sa itseng Jesu ba tlhoka go etelwa le go bolelelwa kaga lorato lwa Gagwe.

Balwetsi ba tlhoka Bakeresete go tla go ba rapelela le gape go ba thusa mo tirong e e tlhokang go dirwa mo magaeng a bone. Ba ba tshwerweng ke tlala le ba ba sitwang ba tlhoka Bakeresete go ba etela le go lere dijo le dikgong. Ba ba hutsa-faletseng loso lwa baratiwa ba tlhoka kgomotso ya tsala ya Mokeresete. Nako nngwe batho ba na le matshwenyego mo magaeng a bone mme ba tlhoka Mokeresete go ba bolelela se Lefoko la Modimo le se rutang. Se ke tiro ya kereke. Mokeresete mongwe le mongwe o ka eta mo boemong jwa Morena wa gagwe.

KAROLO YA BORARO: THAPELO

Tokololo nngwe le nngwe ya kereke e ka rapela. Gongwe o ikutlwa gore ga o kake wa rapelela kwa godimo fa pele ga ba bangwe, mme o ka rapela ka tidimalo mo legaeng la gago letsatsi le letsatsi. Ga go re sepe gore o fa kae o ka rapela. Thapelo ke nonogo. Fa ditokololo tsotlhe tsa kereke di ka sneya nako nngwe letsatsi le letsatsi di rapelela moruti le kereke, ba tla bona ka bonako kereke e e nonofileng e e golang.

Mokeresete mongwe le mongwe o ka senya nako mo thapelong e e didimetseng a rapelela batho ba ba latlhegileng ba o ba itseng. O ka rapelela balwetsi le ba ba mo kutlo-botlhokong. Modimo O itse sengwe le sengwe se se mo pelong ya gago. O itse le eleng se o batlang go se rapelela. Letsatsi le letsatsi ya kwa o ka nnag nosi mme o bue le Modimo.

KAROLO YA BONE: GO-ABA

Tokololo nngwe le nngwe e ka aba. Madi a rona a thusa tiro ya go gola ka nonofo. Modimo k Bo-One O laotse gore Bakeresete ba tshwanetse go abela kereke. Moabi wa sa bosome o busetsa go Modimo sa bosome sa se o se amogelang ka gore o rata Modimo. O aba ka gore o batla go bona tiro ya Morena e gola. Bakeresete ba ba itumelang thata ke ba ba abang ka ntlha ya lorato lwa bone mo Modimong. Botsa tokololo e e abang sa bosome gore a ke

Mokeresete yo o tiumelang. O tla go bolelela gore o amogela masego jang ka gore o thusa mo tirong ya Morena.

Gongwe ga o kitla o kopiwa go ruta. Mme motho mongwe le mongwe o kopiwa go aba. Modimo O itse fa re le boikanyego le ka boamaruri re O busetsa sa bosome. Mogogi mo kerekeng o tshwanetse go nna moabi wa sa bosome. Bakeresete botlhe ba tshwanetse go nna baabi ba sa bosome.

MOGOGI WA THULAGANYO:

Re utlwile ditsela tse nne tse re ka direlang Modimo ka tsone mo kerekeng ya rona. Go na le ditsela tse dingwe di le dintsi. Re ka opela mo setlhopheng sa baopedi. Re ka thusa ka go tshegetsa kago ya kereke bophepa kafa ntle le kafa teng. Go na le sengwe se mosadi mongwe le mongwe o ka se dirang go direla Modimo mo kerekeng ya rona. Mogogi wa kereke yo o siameng ke mongwe yo ka boikanyego o dirang tiro e Modimo O mo e nayang.

Buisanyang mmogo ka dipotso tse:

Balang dilo di le nne tse mogogi wa Mokeresete mongwe le mongwe o ka di dirang.

Ke mang yo o tla re bolelelang gore re bue eng fa re ruta?

A Mokeresete mongwe le mongwe o ka rapela?

NAKO YA THAPELO.

THULAGANYO 10

Tlhogo ya Kgwedi-Tharo: GO-TSHELA JAAKA KE RUTIWA KE BAEBELE
YA ME

Tlhogo ya Gompieno: GO-BOLELELA MAFOKO A A MOLEMO A POLOKO

Temana ya Tlhogo: "A a itse gore yo o busang moleofi mo time-long ya tsela ya gagwe o tla boloka mowa wa gagwe mo losong..." (Jakoba 5:20).

MOGOGI WA THULAGANYO:

Maikaelelo mangwe a kereke ke go lere ba bangwe kwa go Keresete jaaka Mmoloki wa bone. Go na le batho ba le bantsi mo lefatshing la rona ba ba seng Bakeresete. Go na le ba bangwe mo mafatshing a mangwe ba ba iseng ba dumele mo Modimong. Ke keletso ya Modimo gore motho mongwe le mongwe a dumele mo go One. Jesu O re laotse go bolelela ba bangwe gore ba tle ba bolokwe mme ba nne le botshelo jo bo sa-khutleng.

KAROLO YA NTLHA: KA GORE'NG LEFATSHE LE TLHOKA GO UTLWA?

Re tshwanetse go bolelela ba bangwe kaga Jesu Keresete ka gore ga gona tsela epe gape ya gore ba ka nna le botshelo jo bo sa-khutleng. Re bala mo go Johane 3:3, gore, "Fa ese motho a tsalwa sesha, ga a kake a bona bogosi jwa Modimo."

Ditiro 4:12 a re, "Ga go na leina lepe fa tlase ga legodimo le le neilweng batho le re tshwanetseng go bolokwa ka lone." Fa baleofi ba sa utlwe kaga Jesu mme ba dumela mo go Ene, ba tla swa mme ba tla ya moleting. "Morena...ga a eletse gore ope o ka nyelela, mme gore botlhe ba tle mo boikotlhaong. (2 Petoro 3:9). Fa Jesu a ne a tshela mo lefatshing O tlhopile barutwa ba le some-le-bobedi go Mo thusa mo tirong ya Gagwe. Gompieno fa re le Bakeresete re barutwa ba Gagwe le rona. Re tshwanetse go tswaledisa tiro ya Gagwe.

KAROLO YA BOBEDI: KE MANG YO O TSHWANETSENG GO BOLELA ?

"Yang mo lefatshing lotlhe mme lo rereng lefoko.(Mareko 16:15).

Se e ne e le taolo ya bofelo ya ga Jesu pele ga a tlhalogela lego-
dimong. Mongwe le mongwe yo o itseng Jesu Keresete jaaka Mmoloki
wa gagwe o laolwa ke Jesu ka Bo-Ene go ya go bolelela ba bangwe.
Jesu O re bolelela mo go Luke 14:23 gore, "Tswelang kwa ntle kwa
ditseleng tse kwa godimo le mo magoreng (dikgoreng) mme lo
pateletse batho go tsena, gore ntlo ya me e tlale." Mokeresete
mongwe le mongwe o ka bolelela mongwe gore o ka nna Mokeresete
jang. Re ba bolelele gore Jesu O dirile eng mo matshelong a
rona le gore re tsile jang gore re dumele mo go Ene.

KAROLO YA BORARO: RE TSHWANETSE GO BOLELA KAE?

(Bala Ditiro 1:8). Jesu O rile re supe kaga Gagwe mo Jeru-
salema, mo Judea, mo Samaria le mo lefatshing lotlhe. Re tshwa-
netse go simolola mo magaeng a rona mme re gapele tokololo
nngwe le nngwe ya lolwapa lwa rona kwa go Jesu. Re supele baku-
lengwe ba rona el ba ba mo tikologong ya rona. Mme re seka ra
ema foo. Ke keletso ya Modimo gore motho mongwe le mongwe a
bolokwe go sa re sepe gore ke mmala ofe gongwe gore ke mokae.
Re nne re ipaakantse ka dinako tsotlhe go supa mo Ma-Afrikeng,
Ma-India, Makgoa le mo bathong botlhe. Jesu O sule gore batho
botlhe ba nne le botshelo jo bo sa-khutleng. Jesu O re batla
go Mo tshelela mme re bolelele ba bangwe gore ba ka bolokwa jang.

KAROLO YA BONE: RE KA BOLELA JANG ?

Mo go Johane 5:24 Jesu a re, "Yo o utlwang lefoko la me mme
a dumela yo o nthomileng, o na le botshelo jo bo sa-khutleng,"
Jalo re tshwanetse go bolelela ba bangwe se Lefoko la Modimo le
se buang kaga poloko. A re tshwayeng mo Dibaebeleng tsa rona
ditemana tse di latelang go di balela batho ba ba latlhegileng
ba re ba etelang.

1. Batho botlhe ba leofile- Baroma 3:23
2. Modimo O rometse Morwa One go boloka baleofi ba ba
latlhegileng-Johane 3:16
3. Moleofi o tshwanetse go ikotlhaya-Luke 13:3

4. Moleofi o tshwanetse go dumela mo go Jesu Keresete-
Ditiro 16:31
5. Moleofi o tshwanetse go ipolela gore Jesu ke Morena-
Mathaio 10:32-33
6. Moleofi o tshwanetse go obamela Modimo-Johane 14:15

Re ithutile ka tlhogo ditemana tse tsotlhe gore re tle re apare seaparo (paka) sa rona sa Phuthego ya Basadi. Re ka di dirisa lefa re sa tsaya Dibaebele tsa rona. Di ithuteng gantsi gore lo ka araba dipotso dingwe le dingwe tse motho yo o sa bolokwang o ka di lo botsang kaga Baebele mabapi le poloko. Re ba boleleleng gape gore re bone letlhoko la rona la poloko jang le gore Jesu O dirile eng mo go rona.

MOGOGI WA THULAGANYO:

Baebele e ruta gore ga go na leina lepe fa tlase ga lego-dimo le le ka bolokang motho fa ese a dumela mo go Jesu Keresete. Fa re palelwa ke go bolelela baleofi kaga poloko mo go Keresete, re a leofa. Baebele ya re, "Ke gone mo go yo o itseng go dira molemo mme a sa o dire," mo go ene ke sebe (boleo) (Jakoba 4:17)." Baebele gape e ruta gore, "Yo o gapang mowa o botlhale." (Diane 11:30). A re ikanyegeng ka go latela Morena wa rona mo go boleleng mafoko a a molemo a poloko.

NAKO YA THAPELO

THULAGANYO 11

Tlhogo ya Kgwedi-Tharo: GO-TSHELA JAAKA KE RUTIWA KE BAEBELE
YA ME .

Tlhogo ya Gompieno: GO-ITHUTA BAEBELE YA ME .

Temana ya Tlhogo: "Go sego bogolo ba ba utlwang lefoko la
Modimo mme ba le boloka! (Luke 11:28)

MOGOGI WA THULAGANYO:

Dikgwedi di le tharo re ntse re ithuta jaaka Baebele e re ruta gore re ka nna basupi ba ba siameng ba ga Jesu. Gompieno re tla ithuta kaga go tlhokega ga thuto ya Baebele mo matshelong a rona a Sekeresete.

KAROLO YA NTLHA:

Baebele ke lone lokwalo fela lo lo nang le Lefoko la Modimo. Mokeresete o batla go ithuta gotlhe mo o ka go kgonang kaga Jesu. Fa're nna Bakeresete re nna bana ba Modimo. Re batla go ithuta gotlhe mo re ka go kgonang kaga Rara wa rona wa legodimo.

Ga re kake ra nna basupi ba ba siameng ba Mmoloki wa rona fa re sa itse dithuto tse di tswang mo Baebeleng. (Bala 2 Timotio 2:15). A o ka tshwantsha ngwana yo o sa itseng sepe kaga batsadi ba gagwe gongwe go reetsa dithuto tsa bone (ngwana a sa itse) ? Ngwana wa Modimo o tla ithuta sengwe le sengwe se o ka se kgonang kaga Rragwe wa Legodimo, mme o tla reetsa dithuto tsa Gagwe.

KAROLO YA BOBEDI: GO-AMOGELA NONCFO YA GO-TSHELA

Mokeresete yo o golang o tlhoka go bala Baebele mme a letlelele Modimo go bua le pelo ya gagwe. Fa re bala Baebele Modimo O bua le rona. Fa're sa nne le dijo tse di siameng go ja letsatsi le letsatsi, mebele ya rona e tla nna motlhofo mme re tla lwala. Ka tsela e e tshwanang, fa re sa nne le dijo tsa semowa tse di siameng malatsi otlhe matshelo a rona a semowa a

nna motlhofo le go lwala. Jalo ga re basupi ba ga Keresete ba ba siameng.

Mo go Pesalema 119:11 re bala gore, "Ke beile lefoko la gago mo pelong ya me, gore ke seka ka go leofela." Lefoko la Modimo le re fa nonofo go itshwara mo thaelong. Re tshwanetse go le bala letsatsi le letsatsi.

KAROLO YA BORARO: GO-REETSA MODIMO

Fa motho a nna Mokeresete ga a tlhole a dira jaaka moleofi. O tla batla go latela dithuto tsa ga Jesu mo go sengwe le sengwe se o se dirang. Re itse jang gore Jesu O re batla go dira eng? Re ka bona dikarabo tsa dipotso tsa rona tsotlhe mo Baebeleng. (Bala 2 Timotio 3:16) Gape mo go Johane 5:39-40, re bala gore, "Lo batla mo dikwalong, ka gore lo gopola gore mo go tsona lo ka nna le botshelo jo bo sa-khutleng; mme ke tsone tse di nang le bosupi kaga me, mme lo gana go tla mo go nna gore lo bone botshelo."

Jesu ka Bo-Ene O ithutile dikwalo mme O rutile barutwa ba Gagwe Lefoko la Modimo. Re ithuteng dithuto tsa Gagwe tsa matshelo a rona malatsi otlhe. Mme jaaka Jesu a re ruta, dipalo tsa Baebele ga di re fe botshelo. Ke Jesu fela O ka dirang jalo. O re batla go ithuta Dibaebele tsa rona gore re tle re ithute kaga Gagwe.

KAROLO YA BONE: GO-PUTA (GO-TSAMAIISA) BANA BA RONA

Rona batsadi re lebaganwe ke se bana ba rona ba se dirang. Mo go Baefesia 6:4, Re bala gore, "Bo-rre lo seka lwa rumola bana ba lona go ba gakatsa, mme lo ba godisetse mo kotlhaong le mo taolong ya Morena." Batsadi ba tlhoka botlhale jaaka ba supetsa bana ba bone fa ba gola. Bana ba botsa dipotso tse dintsi. Batsadi ba ba fe dikarabo tse di tlotlang Modimo.

Fa Jesu a ne a le mosimanyana mo lefatshing, O ithutile Testamente e Kgologolo. Motsadi mongwe le mongwe wa Mojuta o rutile bana ba gagwe Lefoko la Modimo. Go a tlhokega gompieno gore rona

batsadi re rute bana ba rona go rata le go tlotla Baebele le go latela dithuto tsa yone. Ba tla ithuta go rata Baebele fa re e rata mme re ba e balela malatsi otlhe.

KAROLO YA BOTLHANO: GO-RUTA BA BA SE KAKENG BA BALA

Mo kerekeng nngwe le nngwe le mo tikologong go na le batho ba ba se kakeng ba balá. Ba ba ntseng Bakeresete bà batla thata go ithuta mo Lefokong la Modimo. Go ka nna selo se se siameng thata mo basading ba Bakeresete go ruta ba bangwe. Gongwe o ka dira letsatsi le le lengwe ka beka go balela basadi ba ba se kakeng ba bala Baebele. Le wena gape o a ithuta jaaka o ruta ba bangwe. O ka ba thusa go ithuta ka tlhogo ditemana dingwe gore ka metlha ba tle ba nne le mafoko a Baebele mangwe mo dipelong tsa bone.

MOGOGI WA THULAGANYO:

Baebele ke lokwalo lwa Sekeresete lwa taelo. Re bona dikarabo tsa matshwenyego a rona ka go e bala. Ga go na lokwalo lope lo lo ka re rutang go thsela botshelo jwa Sekeresete. Re basupi ba ba siameng ba Mmoloki wa rona fa re ithuta Di-Baebele tsa rona malatsi otlhe. Gape re supa fa re thusa ba bangwe go bona dikarabo tsa letlhoko la bone mo Baebeleng le mo go itseng Jesu.

NAKO YA THAPELO

THULAGANYO 12

Tlhogo ya Kgweri-Tharo: GO-TSHELA JAAKA KE RUTIWA KE BAEBELE
YA ME

Tlhogo ya Gompiano: PORTUGAL(POTOKISI), TSHIMO E E FA LEWATLENG

Temana ya Tlhogo: "Mme lo tla itse boamaruri, mme boamaruri
bo tla lo golola." (Johane 8:32).

MOGOGI WA THULAGANYO:

Gompiano re tla ithuta kaga Portugal(Potokisi). Polokisi ke lefatshe le le ntle le lennye mo Europe. Le mo Lewatleng la Atlantic. Mmu wa lone o q'onneng le ditlhare le dithunya di pateleditse Mopotokisi mongwe wa mokwadi go bitsa lefatshe la ga-bone "tshimo e e fa lewatlang".

Potokisi o ka nna selekanyo sa Phodesia. Batho ba ba didikadike tse di-some ba nna teng. Bapotokisi botlhe ba ka ne ba le ba Kereke ya Roma. Dingwaga tse dintsi-ntsi ba itsile tshupo ya safapaano se Jesu O swetseng mo go sone. Mme ga ba itse nonofo ya ga Keresete Yo O tshelang Yo O tsogileng mo baAwingreetseng ka kelo-tlhoko gompiano jaaka re utlwa ka lefatshe la Potokisi le batho ba lone.

KAROLO YA NTLHA:

Ba-Baptist ba dule kwa Enyelane le Brazil ba tla Potokisi go feta dingwaga tse di masome a roba-bobedi a a fetileng. Lefa go ntse jalo, go-gola ga dikereke tsa Baptist go ntse go le bonya thata. Dintlha tsotlhe tsa Potokisi ka nonofo ke kereke ya Roma, le eleng mmuso (goromente). Ga ba itse boamaruri jo bo gololang motho. Bakeresete ba Baptist ba bogisitswe thata ke kereke ya Roma. Ba sotlegile thata.

Jaanong go na le dikereke tsa Baptist di le masome a mane mo Potokisi. Dikereke tse di na le ditokololo di le 2,5000. Se se raya gore mo diketeng dingwe le dingwe tsa batho mo Potokisi se le sengwe fela ke sa Baptist. Bontsi jwa dikereke bo na le ditokololo di le 50 fela gongwe kwa tlase. Dikereke tse di nnye

(potlana) tse di tlhoka dithapelo tsa rona.

Mo dingwageng tse pedi tse di fetileng go ntse le matshwenyego a mantsi mo Potokisi. Jaanong go na le puso e ntsha. A re rapeleng gore go nne le kgololesego ya tumelo kwa batho botlhe ba ka obamelang Modimo jaaka ba eletsa.

KAROLO YA BOBEDI:

E ka nna kereke nngwe le nngwe mo Potokisi e e nang le Phuthego ya Kopano ya Basadi. Basadi ke Bakeresete ba ba ikanyega thata. Ba na le dibeke tse pedi tsa thapelo ngwaga le ngwaga. Nngwe (thapelo) ke ya lefatshe mme nngwe ke ya Potokisi. Dikereke dingwe di na le Kopano ya Basha le ya Bathusi ba ba Botlana (nnye), mme ditlhopha tse di bokoa. (G.A. and Little Helpers).

Phuthego ya Basadi e na le dikopano tse pedi tsa bana (camps) ngwaga le ngwaga. Basimane le basetsana ba le bantsi ba tla kwa dikopanong tse. Ngwaga le ngwaga bontsi bo amogela Jesu kwa kopanong e. Ba na le kopano ya basadi, gape ngwaga le ngwaga. Kopano e e tsaya beke.

Mosadi mongwe, Dona Marta, o tsile phuthegong ya basadi la-ntlha ka 1973. Dona Marta o ne a nyetswe dingwaga di le 25. Mo dingwageng tse tsotlhe ga a ise a ke a tlogele legae le lolwapa lwa gagwe go fitlhela a ya phuthegong ya basadi ba Baptist. Basadi ba mmoditse kafa o ratileng Phuthego-kgolo ya Basadi. O arabile ka gore, "Ke sephirinyana sa legodimo."

Basadi gape ba na le lokwalo (buka) lwa Kopano ya Basadi e e bolelwang (tswang) kgwedi-tharo nngwe le nngwe. Lo (lokwalo) na le dithulaganyo tsa Phuthego ya Basadi le dintlha tse dingwe go thusa basadi mo matshelong a bone a Se-keresete. A re lebo-geleng Modimo bakaulengwe ba rona kwa Potokisi mme re rapeleng gore ba nonofe mo Moreneng.

KAROLO YA BORARO:

Ma-Baptist a Potokisi ba amega kaga go supela ba ba latlhegileng. Mo dingwageng di se-kae tse di fetileng, ba ntse ba gatelela ba lere ba bangwe mo go Jesu.

Kereke ya Baptist ya Grace mo motseng mogolo wa Lisbon e ne e na le ditokololo di le masome a mane. Ditokololo di ne tsa ikaelela go etela bakaulengwe ba tsone le ditsala le go ba laleletsa ditirelo tsa tsoseletso mo kerekeng ya tsone (ditokololo).

Bontsi bo ne bo tshaba pele go supa mo bakaulengweng ba bone ba Ma-Roma. Bangwe ba rile, "Ga ba kitla ba reetsa. Ga re kake ra dira jalo fa." Selo se se gakgamatsang sa direga! Ditokololo tsa kereke tsa ya go etela bakaulengwe ba tsone. Ba fitlhela bakaulengwe ba bone ba itumeletse go lalelediwa diphuthego.

Bontsi bo ne bo tsile tsoseletsong ya kereke ya Baptist. Ba reetsa Lefoko la Modimo. Modimo Wa bua le bone. Mo kerekeng e nnye eo e e nang le ditokololo di le 40 fela batho ba le 74 ba ikaelela go latela Jesu mo bekeng eo.

KAROLO YA BONE:

Ma-Baptist mo Potokisi ba na le lebentlele la dikwalo le Modimo o le diriseng segolo. Batho ba le bantsi ba tla lebentleleng la dikwalo ba ba ne ba se kake ba tla kerekeng. Bontsi bo tshwerwe ke tlala go bala Lefoko la Modimo le dikwalo tse dingwe kaga tumelo mo go Jesu.

Bontsi jwa Ma-Roma ga ba na Dibaebele tsa bone. Ba boleletswa ke kereke ya bone gore ga ba kake ba tlhaloganya Baebele. Mosetsana mongwe wa dingwaga tse di boroba-bongwe o simolotse go tla Phuthegong ya Basha (G.A.). Jaaka ba simolotse go ithuta Dikgatelo Pele (dithuto tsa G.A.) mosetsana o rile,

"Ga ke kake ka ithuta ditemana tseo. Ga ke na Baebele."

Mogogi wa gagwe wa Phuthego ya Basha (G.A.) a mo tseela (neela) Dibaebale le ditsala tse pedi tse o tsileng le tsone kwa kerekeng. Moso wa Tshipi e e latelang moruti a utlwa modumo o mogolo jaaka moreri a simolola go bala Baebele. A leba go mo dikologa (a retologa). Go ne go na le basetsana ba bararo ba bula ditsebe tsa Dibaebale tsa bone. Ba ne ba leka go bona ditemana tse moreri o ne a di bala.

Basetsana ba ga ba ise ba nne Bakeresete. Ope wa batsadi ba bone ga a tle kerekeng gotlhe gotlhe. Go na le batho ba le bantsi ba ba ntseng jaana mo Potokisi. A re rapeleng gore Lefoko la Modimo le tla bua le bone me ba tla tla go itse Modimo O O tshelang.

KAROLO YA BOTLHANO:

Mo bosheng Ma-Baptist ba letleletswe go simolola thulaganyo ya sermamowa. Dikwalo di tswa mo bathung ba le bantsi ba re ba reetsa dithulaganyo tsa Ma-Baptist.

Lokwalo longwe lo rile, "Lwa re mo thulaganyong ya lona re tsene kereke ya Baptist e e gaufi le rona. Ga go na epe gaufi le nna. Ke eng lo sa nne le dikereke mo lefelong lengwe le lengwe?"

Lokwalo longwe lo dule kwa kgolegelong (toronkong). Lo rile ga na le banna ba roba-bongwe mo kgolegelong e, ba ba duleng Bakeresete mme ba kopana go ithuta Baebele. Ba ne ba na le Baebele e le nngwe-fela le Ditestamente tse di Ntsha di le pedi. Mokwadi wa lokwalo o boditse kafa ba ka bonang Dibaebale tse di nngwe.

A re rapeleng gore batho ba le bantsi-ntsi ba tla gorogelwa ke Keresete ka dithulaganyo tsa sermamowa sa Baptist.

MOGOGI WA THULAGANYO:

Batho ba le bantsi mo Potokisi ba batla tumelo e e ka ba nayang kagiso le boitumelo. Ke Jesu fela O ka ba fang se ba se batlang. Re ba isetse Lefoko la Modimo le mo bathung botlhe.

Re ka thusa batho ba Potokisi jang go itse Keresete? Re ka rapelela Bakeresete. Re ka rapela gore go nne kagiso le kgololesego go obama le go rera Keresete mo lefatshing leo. Re ka rapelela bagogi ba dikereke le ba ba rerang mme ba ruta Lefoko la Modimo. Re ka rapela gore ka boikanyego ba tla bolela mafoko a a molemo gore Jesu O a boloka.

(Goga ka nako ya thapelo. Kopa ba le babedi gongwe ba raro go rapela).

THULAGANYO 13

Tlhogo ya Kgweri-Tharo: GO TSHELA JAAKA KE RUTIWA KE BAEBELE
YA ME

Tlhogo ya Gompiano: ITALY

Temana ya Tlhogo: "Gonne mongwe le mongwe yo o bitsang leina
la me o tla bolokwa." (Baroma 10:13).

MOGOGI WA THULAGANYO: (Balang Baroma 10:13-17).

Gompiano re tla ithuta kaga lefatshe le lengwe kwa go nang
le batho ba le bantsi ba ba tlhokang go itse Jesu. Lefatshe le
le bidiwa Italy. Italy o na le batho ba le bantsi jo bo fetang
ba Rhodesia ga borobabongwe. E ka nna batho botlhe ba Italy ba
eleng ba Kereke ya Roma. Jaaka mo Potokisi, bantsi ga bo itse
Mmoloki yo o tshelang jaaka Morena wa bone.

KAROLO YA NTLHA:

Motse-mogolo wa Italy ke Roma. Dikete tsa baeti ba ya kwa
Roma ngwaga le ngwaga go bua le Mo-Papa, yo o leng tlhogo ya
Kereke ya Roma. Ba bangwe ba ya go etela dikereke tse di
kgologolo tse di mo Italy. Dikereke tse di na le dikago tse
dikgolo di na le gauta le dilo tsa dingwe tse dintle-ntle mo
go tsone. Baperisiti ba le bantsi le ba basadi (baperisiti)
ba ya kwa Roma go ithuta le go dira mo kerekeng ya bone. Roma
o lebega jaaka motse wa tumelo e tona!

A dikereke tse ditona le ditshwantsho tse dintle le
di-aletare di dira batho go nna jaaka Modimo O ba batla? Jesu
o rile, "O tla rata Morena Modimo wa gago ka pelo ya gago yotlhe,
le ka mowa otlhe wa gago, le ka kgopolo ya gago yotlhe...o tla
rata mokaulengwe wa gago jaaka o ithata." (Mathaio 22:37,39).
Tumelo ya boamaruri e tswa mo pelong.

Mo Italy o ka bona dikereke tse ditona. O ka bona ditshwan-
tsho tse di ntsi tsa ga Jesu. O ka fitlhela dikwalo tse dintsi
tsa tumelo le Di-Baebele. Lefa go ntse jalo go na le Bokeresete

jwa nnete bo le bonnye. Ke yone ntlha e baruti ba Baptist ba ileng Italy go rera lefoko. Batho ba tlhoka go itse Keresete jaaka Mmoloki wa bone wa sebele.

KAROLO YA BOBEDI:

Go na le dikereke tsa Baptist di ka nna masome a roba-bobedi mo Italy. Bontsi jwa dikereke tse di dinnye thata. Go santse go na le mafelo a le mantsi kwa go senang dikereke tsa Baptist. Ba-Baptist ba Italy ba batla go isa lefoko kwa lefatshing la bone fela jaaka re le fa mo Botswana.

Dingwaga di se-kae tse di fetileng lesomo (phuthego) le tona la efangele le na le tshwaretswe kwa Italy. Go feta batho ba ba 15,000 ba ba ne ba se Ba-Baptist ba tsene diphuthego tse tsa ditsoseletso. Makgolo a mantsi-ntsi ba ikantse mo go Morena.

Mo motseng mongwe Ba-Roma ba le bantsi ba amogetse Jesu. Kereke ya Roma e lekile go kganela Bakeresete ba basha ba go kopana le Ba-Baptist. Mme Modimo O ba thusitse mo nakong e ya pogiso le teko. Bangwe ba latetse Morena ka kolobetso mme ba nna ditokololo tsa kereke ya Baptist. Jaanong ba supela kagiso le boitumelo jo ba nang le jone mo go itseng Jesu ka sebele.

KAROLO YA BORARO:

Nako nngwe Bakeresete ba Baptist mo Italy ba lekile go tshegetsa malwapa a bone sephiri mo go Keresete. (Gore Ba-Roma ba seka ba itse.). Ba tshabile pogiso mo kerekeng ya Roma. Gompiano ba bone gore batho ba le bantsi ba batla go itse thata kaga Jesu. Ba simolotse go nna le diphuthego tsa kwantle mo mafelong mangwe mme ba supela tumelo ya bone mo Moreneng ka phatlalatsa (ka go bulega).

Mo motseng wa Motolla Ba-Baptist ba ntse le tirelo ya kwa-ntle ga gare ga motse. Batho ba feta dikete tse pedi ba ne ba tla go utlwa lefoko le rerwa. Batho ba ba ne ba lalelediwa kwa tirelong e e tlhophegileng mo tlung e tona e e ne e duelwa (hirilwe). Go tsile ba feta 700.

Ba-Baptist by bone gore batho ba le bantsi ba tla amogela pampitshana ya kaga Jesu. Ba le bantsi ba bona se e le tsela e e siameng ya go supa. Ba fa ditsala le bakaulengwe ba bone dipampitshana. Bangwe ga ba kitla ba ipalela Baebele, mme ba tla bala le go ithuta tsela ya poloko (mo dipampitshaneng).

KAROLO YA BONE:

Ba-Baptist mo Italy ba na le Legae la Bana la masiela (dikhutsana) le bana ba ba senang ba ba ba tlhokomelang. Ngwaga nngwe Kereke ya Baptist ya moRoma e rometse madi kwa Legae la Bana go duela tsela ya bana bangwe go ya phuthegong ya basetsana (G.A.) le phuthegong ya basimane (R.A.). Phuthego e e tshegediwa dibeke tse tharo ka nako ya malatsi a dikole di tswetswe.

Moruti yo o dirang kwa Legaeng la Bana o kwaletse kereke lokwalo a ba lebogela go romela madi. O rile, "Posigo jo bo fetileng ke ile go busa bana ba roba-bobedi kwa phuthegong. Ke eletsa lo kabo lo bone boitumelo jwa bone jaaka ba ne ba opela dipina tse ba di ithutileng le go supa tsa diatla tse ba di dirileng le maduo a ba a gapileng mo malepeng a Baebele, mme jalo --- mo ditseleng di le dintsi tse di tlhokegang thata mo baneng ba --- dikeledi jaaka ba kgaogana le ditsala tsa bone tse dintsha ba ba ne ba tloga ba tsamayela kwa dintlheng tse di farologanyeng tsa Italy.

"Mongwe wa dingwaga tse di 11, yo o senang ope fa e se rona, o ne a iponela tsala ya molekane wa gagwe yo o nnang ntlha e nngwe ya Roma. Mmagwe tsala ya gagwe o setse a tsile go kopa gore a Gianni o ka etela legae la bone beke. Gianni gantsi o bua kaga "Mio amico Pietro." (Se se raya gore TSALA YA ME PETER ka se-Italy).

Ba ba ntsheditseng dikhutsana madi go ya phuthegong ba segofaditswe segolo go utlwa gore bana ba thusitswe jang.

KAROLO YA BOTLHANO:

Georgio Politano ka tokololo ya Kereke ya Baptist kwa Savona, mo Italy. O bereka kwa kgorong (ya dipepe) kwa dikepe di le dintsi di tswang ntlheng tsotlhe tsa lefatshe. Mme o ikutlwa gore tiro ya gagwe e kgolo ke go phatlalatsa lefoko la ga Jesu.

Morago ga tiro o ya fa thoko ga dikepe mme a bue le bakgweetsi ba dikepe. O ntsha dipampitshana le mafoko a a molemo ka dipuo di le dintsi. Letsatsi lengwe o file Mo-afrika mo sekepeng pampitshana ya Sekgoa. O ne a se kake a bua le ene ka gore o bua fela loleme lwa Se-Italy. Mo-afrika a bala pampitshana. Jalo a bitsa Rre Politano go tla fa ne a le teng.

Ba bona mophutholodi (motoloki) mme monna wa Mo-Italy a bona gore monna wa Mo-afrika o ne a le moreri wa sebaka mo kerekeng ya Baptist mo lefatshing la bone la Ghana. Leina la gagwe e ne e le Seth Nathayo. Rre Politano o ne a tseela tsala ya gagwe e ntsha kwa kerekeng ya gagwe ka Tshipi. Rre Nathayo a ntsha bosupi jwa gagwe mme batho ba le bantsi ba segofadiwa. Pele a tsamaya Rre Nathayo gape a ntsha kabelo ya madi go dirisiwa go thusa go rera lefoko mo Italy.

Modimo O dirisa bana ba One ba ba eletsang go O supela gongwe le gongwe kwa ba go yang. A re rapeleng gore re ikanyege jaaka Rre Politano le Rre Nathayo.

MOGOGI WA THULAGANYO:

Batho kwa Italy ba tshwerwe ke tlala go itse Modimo O O tshelang. A re rapeleng gore Lefoko la Modimo le ka gogogela bontsi mo lefatshing leo.

Batho mo lefatshing la rona le bone ba tshwerwe ke tlala ya lefoko. A re kopeng Modimo se O ka se re dirisang. A re ineeleng go nna basupi ba boikanyo mo bathong botlhe ba ba tlhokang Jesu.